

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 139. sjednici, održanoj 31.07.2026. godine, d o n o s i

ZAKLJUČAK

I.

Daje se ovlaštenje ministru Ministarstva za obrazovanje, nauku, kulturu i sport Mirzi Mušija za potpisivanje Protokola o vođenju pregovora radi pregovaranja i zaključivanja Kolektivnog ugovora o izmjeni Kolektivnog ugovora za djelatnost visokog obrazovanja za područje Zeničko-dobojskog kantona sa Sindikatom srednjeg i visokog obrazovanja, odgoja, nauke i kulture Zeničko-dobojskog kantona, koji predstavlja osnov za početak i vođenje pregovora za zaključivanje Kolektivnog ugovora o izmjeni Kolektivnog ugovora za djelatnost visokog obrazovanja za područje Zeničko-dobojskog kantona i koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26
Datum, 31.07.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Sindikat srednjeg i visokog obrazovanja, odgoja, nauke i kulture
Zeničko-dobojskog kantona, putem Ministarstva,
1x a/a.

U skladu sa članom 138a. stav (1) Zakona o radu („Sl. novine FBiH“, broj: 26/16, 89/18, 23/20 - odluka US, 49/21 - dr. Zakon, 103/2021 - dr. Zakon, 44/22 i 39/24) predstavnici ugovornih strana i to:

1. Vlada Zeničko-dobojskog kantona, zastupana po ministru Ministarstva za obrazovanje, nauku, kulturu i sport Zeničko-dobojskog kantona Mušiji Mirzi, s jedne strane i

2. Sindikata srednjeg i visokog obrazovanja, odgoja, nauke i kulture ZDK, zastupan po Hadžić Đevadu, s druge strane,

u Zenici, dana godine zaključuju:

P R O T O K O L

o vođenju pregovora radi pregovaranja i zaključivanja Kolektivnog ugovora o izmjeni Kolektivnog ugovora za djelatnost visokog obrazovanja za područje Zeničko - dobojskog kantona

Član 1.

(Predmet Protokola)

Ovim Protokolom ugovorne strane definišu postupak i rokove za pregovore, radi pregovaranja i zaključivanja Kolektivnog ugovora o izmjeni Kolektivnog ugovora za djelatnost visokog obrazovanja za područje Zeničko - dobojskog kantona (u daljem tekstu: Kolektivni ugovor).

Član 2.

(Postupak pregovaranja i zaključivanja Kolektivnog ugovora)

- (1) Pregovori radi pregovaranja i zaključivanja Kolektivnog ugovora, vode se prema prijedlozima obje ugovorne strane.
- (2) Pregovori iz stava (1) ovog člana, otpočinju od dana potpisivanja ovog Protokola.
- (3) Ugovorne strane su saglasne da je okvirni rok za vođenje pregovora u vezi pregovaranja i zaključenja Kolektivnog ugovora 45 dana, u skladu sa članom 139. stav 3. Zakona o radu.
- (4) Rok za pregovaranje iz stava (3) ovog člana, može se prolongirati, ako se o tome pismeno usaglasе obje ugovorne strane.

Član 3.

(Mjesto i vrijeme održavanja pregovora)

- (1) Ugovorne strane su dužne u dobroj vjeri pregovarati u predmetu pregovora i učiniti razumne napore da pregovori budu uspješno okončani u planiranom roku, te se suzdržati od radnji koje bi za cilj imale neopravdano odugovlačenje pregovaračkog postupka.
- (2) Mjesto i vrijeme održavanja pregovaračkog sastanka ugovorene strane će dogovoriti sporazumno na kraju svakog sastanka.

Član 4.

(Angažman stručnjaka)

Ugovorne strane mogu angažovati stručnjake ili druge zainteresirane osobe u svojstvu savjetnika koje prisustvuju sjednicama ugovornih strana bez prava odlučivanja.

Član 5.

(Ovlaštenje za vođenje pregovora)

Potpisivanjem ovog Protokola ugovorne strane izjavljuju da njihovi predstavnici koji će voditi pregovore iz člana 2. ovog Protokola, imaju ovlaštenje o vođenju pregovora.

Član 6.

(Zapisnik o toku pregovora)

Ugovorne strane su obavezne voditi zapisnik o toku pregovora koji obostrano potpisuju.

Član 7.

(Obaveza čuvanja službene tajne)

- (1) Ugovorne strane se obavezuju da čuvaju kao službenu tajnu sve podatke, informacije, kao i dogovorene prijedloge tokom vođenja pregovora saglasno ovom Protokolu.
- (2) Ugovorne strane se obavezuju da tokom vođenja pregovora saglasno ovom Protokolu neće istupati u javnost u sredstvima javnog informisanja.
- (3) Obaveza čuvanja službene tajne, kao i obaveza neistupanja u javnost u sredstvima javnog informisanja iz stava (1) i (2) ovog člana odnosi se i na osobe iz člana 4. ovog Protokola.

Član 8.

(Zaključivanje Protokola)

- (1) Ovaj Protokol se smatra zaključenim kada ga u istovjetnom tekstu potpišu obje ugovorne strane.
- (2) Ovaj Protokol je sačinjen u 4 (četiri) istovjetna primjerka, od kojih po 2 (dva) primjerka zadržavaju ugovorne strane.

Vlada Zeničko-dobojskog kantona zastupana po ministru obrazovanja, nauke, kulture i sporta Zeničko-dobojskog kantona

Mirza Mušija, ministar

Sindikato srednjeg i visokog obrazovanja, odgoja, nauke i kulture ZDK

Hadžić Đevad, predsjednik

Broj:

Dana,2026. godine